

欽定四庫全書

子部

普濟方卷一百九十七
八



北京中医药大学图书馆版权所有

欽定四庫全書

普濟方卷一百九十七 明

周王朱楠 撰

諸瘧門

總論

夫夏傷於暑秋必病瘧蓋傷之淺者近而暴傷之重者遠而疾瘧瘧者久瘧也是知夏傷於暑溫熱閉藏而不能發泄於外邪氣內行至秋而發為瘧也經受之隨其動而取之有中三陽有中三陰者經中邪氣其證各殊

同傷寒論之也五臟皆有瘧其治各異在太陽經謂之風瘧治多汗之在陽明經謂之熱瘧治多下之在少陽經謂之風熱瘧治多和之在陰經則不分三經總謂之濕瘧當從太陰經論之 瘧病所謂因者病當先寒後熱寒則湯火不能溫熱則冰水不能寒以先傷寒後傷風故先寒而後熱名曰寒瘧病者先熱後寒躁煩自汗惡風以先傷風後傷寒風為陽寒為陰故先熱而後寒名曰溫瘧病者但熱不寒陰氣孤絕陽氣獨發心氣煩

倦手足而欲嘔心渴以傷於暑熱名曰痺瘧病者寒熱
身重骨節煩疼脹滿澀澀自汗善嘔因汗出復浴濕舍
皮膚及冒雨濕名曰濕瘧病者寒多不熱但慘戚振慄
病以時作此以陽虛陰盛多感陰濕陽不能制陰名曰
牡瘧五種瘧疾以外感風寒暑濕與衛氣相并而成也
瘧病內所因者病者寒熱顏色蒼蒼然善太息如死狀
以蓄怒傷肝氣鬱所致名曰肝瘧病者必煩欲飲清水
反寒多不甚熱乍來乍去以喜傷心氣耗散所致名曰

心瘧病者寒多腹中熱痛或渴不渴不熱不泄腸鳴汗
出以思傷脾氣鬱涎結所致名曰脾瘧病者心寒甚發
熱間善驚而有所見以憂傷肺氣凝痰以致名曰肺瘧
病者手足寒洒然腰脊痛發熱大便難目眴以失志傷
腎所致名曰腎瘧五種瘧疾以臟氣不和鬱結涎飲而
成也瘧不內外因者病者發寒熱一歲之間長幼強弱
或染時行變成寒熱名曰疫瘧以歲運推之病者寒熱
不作夢寐不祥多生恐怖名曰鬼瘧宜用禁忌厭禳之

法病者乍寒乍熱乍有乍無商方多病此名曰痺瘧當
隨方上所宜治之病者寒善飢而不能實已之滿腹急
病痛以日作名曰胃瘧六腑無瘧唯胃有者蓋飲食飢
飽所傷胃氣而成世之謂食瘧或因諸瘧飲食不節變
為此證也病者經年不差差復再發遠行久立不至微
勞力皆不任蓋因表裏俱虛客邪未散真氣不復疾雖
暫間少勞便發名曰勞瘧亦有數年不差百藥不斷結
成癥癖腸脇名曰老瘧亦曰母瘧備內外不內外三因

外則感四氣內則動七情飲食飢飽勞逸皆能致瘧經
中所謂夏傷暑秋痰瘧者此則因時而序耳不可專隅
以此論之則知溫病飧泄欬嗽不可拘也夫瘧之始發
先起於毫毛伸欠乃作寒慄鼓頷腰背俱痛寒去則內
外皆熱頭痛而渴欲飲冷者以陰陽上下交爭虛實更
作若陽并於陰則陰實而陽虛陽明虛則寒慄鼓頷太
陽虛則腰背頭項俱痛少陽虛則心體解倦心惕惕然
三陽俱虛則陰氣勝骨寒而痛病於陽則陽實而陰虛

太陽虛則不嗜食善嘔嘔已乃衰少陰虛則熱多寒少
嘔甚其病難已厥陰虛則腰腹痛小便不利如瘰三陰
俱虛則陽氣勝熱勝悒悒不樂陰盛則內寒陽虛則外
寒生於內故中外皆寒陽盛則外熱陰虛則內熱一生
於外故中外皆熱此皆因外感寒暑風濕內鬱喜怒憂
驚蘊積痰飲所至飲食飢飽勞逸之所為也病氣與衛
氣并居故病作衛氣晝行陽夜行陰得陽而外出得陰
而內薄所以日作其氣內內薄於五臟橫連於募原其

道遠其氣深其行遲不能與衛氣俱出故間作以衛氣
一日一夜大會於風府日下以節以此日作稍晏至二
十五日至骺骨二十六日入脊內其氣上行故作日益
早也瘧氣所以更盛更虛當氣之所在者在陽則熱躁
在陰則寒靜極則陰陽俱衰衛氣相離則病休衛氣集
則腹病也於是有一日作間日作早晏不同又邪氣中於
頭項者氣至頭項則作中於外者氣至背則作中於腰
脊者至腰脊即作各隨其所中而作但衛氣之所在與

邪氣相合則病作也更有疫瘧鬼瘴等瘧亦以邪氣中外氣之所為也除痺瘧純熱寒瘧先熱牝瘧無熱外諸熱皆先寒而後熱又經曰無刺熇熇之熱無刺渾渾之脉無刺漉漉之汗為其病逆未可治也知此則病方來與正作與將過皆不可治以反傷真氣不可不知也

夫肺病為瘧者乍來乍去令人必寒甚則熱發善驚如有所見此肺瘧證也若人本來語聲清雄忽爾不亮拖氣用力方得出言反於常人呼共語真親不應雖曰未

病勢當不久此則肺病聲之候也察病觀疾表裏相應
依源審療乃不失也心病為瘧者令人心煩甚欲飲清
水多寒少熱若人本來心性和雅而忽卒急反於常倫
或言未訖便住以手剔腳爪此人必死禍雖未及呼曰
行尸此心病聲之候也虛則補之實則瀉之不可療者
明而察之肺病為瘧者令人色蒼蒼然氣息喘悶戰掉
如死者若人本來少於悲恚忽爾嗔怒出言反常乍寬
乍急言未訖以手向眼如有所思若下節病禍必至矣

此則肺病聲之飲也其人若虛則為寒風所傷若實則
熱氣所損陽則瀉之陰則補之脾病為瘧者令人寒則
腹中痛熱則腸中鳴鳴已則汗出若其人本來少於喜
怒而忽反常嗔喜無多言自笑不答於人此是脾病聲

之候也不盈旬日禍必至腎病為瘧者令人淒淒然腰

脊痛而宛轉大便澀身掉不定

素問作目
眴眴然

手足寒熱人

本來不喜不怒忽然蹇而好喜怒反於常性此腎已傷
雖未發覺聲其候也見人未言而前開口還開口不聲

舉手爪柵腹此腎病聲之候也虛實表裏浮沉清濁宜以察之逐而療之夫瘧脉者自弦弦數者多熱弦遲者多寒弦小緊者可下之弦遲者溫藥已若脉數而緊者可發汗針灸之脉浮大者不可針灸之凡瘧先發食頃乃可以療之過之則失時足太陽之瘧令人腰痛頭重寒從背起先寒後熱熇熇虛嬌切喝喝然熱止汗出難已刺剗中出血足少陰之瘧令人聲體解休寒不甚熱不甚久惡見人見人心惕惕然若多汗出甚刺足少陰足

陽明之瘧令人先寒洒洒淅淅寒甚久乃熱熱去汗出
喜見日月光火氣乃快然刺足陽明附上足太陰之瘧
令人不樂好太息不睡多寒熱汗出病至則善嘔嘔已
乃衰則取之則善足少陰之瘧令人悶吐嘔甚多寒熱
熱多寒者欲閉戶而處其病難已足厥陰之瘧令人腰
痛小腹滿小便不利如瘧狀非瘧也數小便意恐懼氣
不足腸嗞嗞刺足厥陰腰瘧者刺手太陰陽明心瘧者
刺足厥陰肝瘧者刺足厥陰見血脾瘧者刺足太陰腎

瘧者刺足太陽少陰胃瘧者刺足陽明太陰橫脉見血
足經太陽瘧羌活加生地黄湯小柴胡加桂湯陽明
瘧桂枝及白虎二湯黃芩芍藥加桂枝湯少陽瘧小柴
胡湯主之太陰瘧小建中湯異共湯少陽瘧小柴胡加
半夏湯厥陰瘧四物元胡苦練附子湯肝瘧四逆湯通
脉四逆湯胃瘧理中湯理中丸心瘧桂枝加黃芩湯腎
瘧桂枝加當歸芍藥湯 肝病面青脉弦皮急多青則
痛形盛胸脇痛耳聾口苦舌乾往來寒熱而嘔以上是

形盛當和之以小柴胡湯如形衰骨搖而不能安於地
乃膝筋治之以羌活湯本草云羌活為君也瘧證取以
少陽如久者發為痺瘧宜以鈇針刺絕骨血復以小柴
胡湯治之心病面赤脉洪身熱赤多則熱暴病壯熱惡
寒麻黃加知母石膏黃芩湯主之此如不發汗久不愈
為瘧也淹疾項腫面赤身熱脉洪緊而消瘦婦人則亡
血男子則失精脾病面黃脉緩皮膚亦緩黃多則熱形
盛依傷寒說是為溫溫其脉陽浮而若陰小而即治太

陰濕溫自汗白虎湯加蒼朮主之如久不愈為溫瘧重
渴白虎加桂枝主之淹疾內消食少無力故曰熱消飢
肉宜以養血涼藥內經曰血生肉肺病面白皮濇脉亦
濇多白則寒暴病濇痒氣虛麻黃加桂枝令少汗則去
也傷寒論云夏傷於暑汗不得出為痒若久不痊為風
瘧形衰面白脉濇皮膚亦濇形羸氣弱形淹衛氣不足
腎病面黑身涼脉沉而滑多黑則痺暴病形冷惡寒三
焦傷也治之以薑附湯或四逆湯久不愈為瘧暴氣衝